



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六一〇

依舊草堂遺稿二卷附汪鉞撰二如居贈答詩二卷二如居贈答詞一卷 費丹旭撰

一

李光祿公遺集八卷 李文安撰

五七

王文直公遺集六卷首一卷 王東槐撰

一九一

佑啓堂詩稿十五卷 景星撰

二九一

求是山房遺集四卷（詩三卷文一卷） 鄂恒撰

四三三

舍是集十卷 王翼鳳撰

四九一

聲遠堂文鈔四卷 王翼鳳撰

六一三

滇筆不分卷 阮福撰

六八九

聽雲山莊詩詞一卷 承越撰

七二三

依舊堂遺稿

同治戊辰春錢唐
汪氏振綺堂開雕

余與費君曉樓故未相識也道光乙酉夏老父龔
定庵招游滬上時曉樓方挾其八法之龍爭蛟游
海內亦來斯土然未得一面越數年余歸里門汪
君小米亦余舊友館曉樓於其家之振綺堂寢之
食之且揄揚之余以他事過汪猝然相遇如平生
歡遂與訂交曉樓亦嘗枉顧敝廬彼此往來踪跡
益密自此吟壇酒壘各出所長以角勝於楮墨之
間余偶得警句曉樓必擊節稱賞手錄其稿秘諸
笥篋其見器如此曉樓以畫名江浙四方從乞畫

序

者無虛日未暇爲詩也然或游覽所及詩興勃發
得意疾書亦皆應乎同律視彼專工字句而惟寸
規尺矩之自守其天趣有超出於尋常百倍者曉
樓死矣死且十餘年而東南大劫突起其嗣子餘
伯猶能抱其遺稿出沒於兵燹中不遭泯沒雖其
子之能讀父書善自保守藉非鬼神呵護之靈何
以得此知其精光有歷劫不可磨滅者矣今小米
之從子子用將以其稿謀付剞劂氏以余能傳曉
樓者欲得一言弁諸首爲序而傳之時同治六年

巖在丁卯花朝日仁和曹籀序於臥霞園之一枝巢

序

傳

錢塘汪曾唯撰

君費姓諱丹旭字子若號曉樓世居烏程瑤階村

父芝原隱君工山水君繼家學兼及寫生湯貞愍

公官於浙與之友先伯父小米公嗜書畫以貞愍

薦遂館於家作東軒吟社圖時年甫壯就學於黃

薌泉先生詩遂工張叔未高爽泉諸老輩以書法

名噪四方君日取古碑帖請業焉不數年書得晉

人風格由是而禾中而金閶舟屐所經求書畫者

日踵至杭之游先後十五次垂二十年道光己酉

傳

一

秋猶下榻余家之蔭園逾年春得療疾易簪時謂

其子以耕曰汝爲冢子家事瑣瑣不備言庭前花

木余神游其間好護持之已而自起盥沐焚香告

祖引鏡整衣冠而逝時庚戌十一月朔也卒年五

十君天姿穎異貌雋秀性通脫宅邊清流一曲綠

染几席來自環溪因號環溪生又嘗謂人生如寄

耳別號偶翁詩詞諸稿成輒棄去劍秋曾叔祖與

君交久且深撿殘叢手鈔依舊草堂遺稿一卷余

因梓而行之君娶朱氏子三以耕以畫名以安隱

於賈以羣攻舉子業孫一儀

傳

二

青曉樓山人三十三歲小象
秀水沈某題



象贊

盜理所括有書有詩非工斯二者
其可知偶翁三絕尤以畫著畫人鳥花
筆妙衆慮品難得逸禪房一證况精
斂擦家學是承名動江南喻金覽購
老輩拂拭香熏繡吾鄉東軒風流
領懷嗚呼翁生今日客誰氏之門賈畫裡
山眼前幾人 辛卯臘月畫州道人楊文瑞

依舊草堂遺稿

湖郡費丹旭撰

杭郡汪 鉞編

松窗覓句圖

詩人有詩境往往結奇構習靜得清閒下筆歸蒼
秀築室古松下此境已天授風濤搖夢涼秋聲來
座右冰霜既久歷胸次無纖垢日日抱膝吟吟苦
肩逾瘦疎簾短榻間肯負此長晝何處著詩痕松
子墮簷溜

依舊草堂遺稿

甲午春汪劍秋 鉞 小米 遠孫 坐冷泉亭聯句

用石田卷中劉賓山汝其通韻秋日至杭
爲劍秋作圖紀游復與聯句

一角山光戀夕暉 旭 舊圖難覓陸探微 謂石泉聲

幾閱危亭古 鉞 佛像曾無劫火飛想見倚闌吟共

健 旭 獨憐遠望信偏稀而今剪燭重聯句 鉞 又是

西風雁雁飛 旭

無端好景隔重城 鉞 破費芒鞋幾度行補句別開

新畫稿 旭 紀游閒續舊時名老僧夙有尋秋約 鉞

勝地還思結酒盟忽記去年清賞處 旭 青山影裏
聽鐘聲 鉞

除夕偕劍秋湖上餞歲遇華亭雷約軒 葆廉
煮茗清談探梅孤山作圖紀事

漫誇忙節有閒身跌宕還來覓句人彈指一年容
易過古梅花下又逢春 去年除夕曾與陳琴齋作此游

詞人蹤跡信雲萍難得相逢湖上亭試問孤山山
下路是誰先踏破苔青

乍別翻憎欲別時匆匆無計慰相思何當重泛西

依舊草堂遺稿

冷棹再續前游題壁詩

重至畫隱樓諸君有詩次韻奉答

笑我浮踪跡三年寄此樓情深知似水交淡信宜

秋舊句尋難續新圖媿未酬感君珍重意青眼又

勾留

仕女圖

梅花消息託瑤琴不作羅浮夜月吟一曲冷冷長

寂寂解音知有美人心

淡月一重花一重峭寒應不到簾櫳記看翠羽雙

飛處倚欄干十二紅

舊夢曾尋碧玉家東風何處問年華小紅橋畔春
如許吹滿一池楊柳花

朝來無賴鷓鴣啼舍北村南霧欲迷新種陌頭桑
樹小比來剛與阿儂齊

偕劍秋過小綠天庵訪六舟上人 達受不值

一曲滌迴水危橋宛轉通人來秋雨後門叩夕陽
中舊夢追塵榻新題認雪鴻天涯健行腳我亦感
飄蓬

依舊草堂遺稿

三

路偏罕塵跡一徑長莓苔茶板清相應瓶花瘦不
開禪心容我證畫債避人催願結香林社何時後
約來

倦繡仕女

殘紅落盡庭院深新綠一桁撐春陰瑣窗人起睡
未足流光容易拋金針十三學繡記猶乍翻新花
樣從人借十五金針不度人手指玲瓏工變化日
長綫短困偏劇嫁衣無奈爲人迫尚有鄰姬隔短
牆挑燈夜夜勤刀尺

爲查幼山 題其尊人遺墨

霜毫不惜寫幽姿葉葉紛紛披擬楚辭自是襟懷有
深意要長留與素心知

手澤如新墨未乾湘雲湘水欲生寒傳家亦有溪
山卷肯作尋常畫本看

月季竹石

家藏有先君子臨李唐溪山行旅圖長卷

一擲嬌無力分明倚翠寒故園好消息月月報平
安

長至日金杏樓 招同俞吉庵 劍秋集湖

依舊草堂遺稿

四

上余與吉庵爲杏樓合寫畫舫聯吟圖次
杏樓韻

揀得林亭遠市囂幾番雅集信難遭載來茶竈人
疑陸詠到梅花韻和高

同人擬分和高季迪梅花詩韻

新髻改醉歸不減舊時豪俗塵如我憑誰洗願乞

西泠水半篙

爲奚子復 摹厲徵君樊榭像并題用徵君

集中溪樓作韻

吾鄉有奚康談詩喜甚口危樓傍溪曲清蔭足榆

柳几榻絕塵氛圖書俱左右肯讓古人先不落今
人後疎簾晝不捲飛翠穿戶牖曾倚窄袖人屈指
百年久歡情證明月定醉團圓酒爲寫溪樓圖不
敵將軍手湯雨生曾爲子復作溪樓延月圖佳篇似珠玉量之欲
盈斗水雲信有緣重識西湖叟

吹笛仕女

木樨香滿蕊宮枝金粉樓臺夢到遲底事夜深吹
玉笛秋情儂已細如絲

三十樹梅花書屋圖

依舊堂遺稿

五

故園春信畫中傳疎影橫斜屋數椽我亦浪游渾
不定花開時已負三年

五月二日同人懸樊榭徵君像於水北樓設

祀用集中生日有感詩韻紀事分題于幀

付交蘆庵永爲瓣香之奉

茗水湖雲各一天登樓曾記瓣香然奚子復曾屬
圖每于是日同人展祀蓋杯傳蒲酒又今日圖展
樓卽鮑氏溪樓迎月上處雙槳豔情留
冰綃已隔年余摹徵君像有二一以
贈子復此第二幀也舊影一溪秋雪冷空椽吟魂知有朝雲伴不羨逋

仙抱鶴眠

玫瑰花

色香幾度誤薔薇曉倚闌干露未晞無奈春來寒
太甚新妝猶著紫羅衣

掃雪烹茶

雪後園林絕點塵竹爐聊試一旗春吟餘不少消
寒計卻笑銷金帳裏人

閨重陽和劍秋韻

登高時節每天涯落帽西風婉孟嘉黃葉踏開游

依舊堂遺稿

六

屐健碧雲低度雁行斜已知佳日難逢閨且喜寒
英未落花逝水年華等閒過茱萸醉酒又家家

辛丑三月七日夜泊荻港乘月近游呂祖廟

園林得二絕句

未黃昏且叩重關塵跡深慚屐齒閒孤鶴一聲潭
影寂微茫樓閣認仙山

自是春寒花信遲梅花千樹雪參差迴廊繞徧闌
干曲卻好朦朧月上時

角中書所見

滿岸垂楊罨竹門一湖春水沒籬根
媿無鉤勒王孫筆粉本天然畫水村

帆挂東風細雨天客衣寒欲透輕綿
關心已綠清明柳搖曳春痕瘦可憐

辛丑十月重過海昌蔣生沐光照別下齋同

人游審山爲圖紀之得詩六首

花嶼

小結松房石作梯登臨擬借一枝棲
秋心慘淡宜邱壑往跡模糊認雪泥
潭水靜容窺鶴瘦巖花疎

依舊草堂遺稿

七

不礙簷低憑闌一望斜陽晚萬井煙深路欲迷

碧雲寺

一徑轉林麓喜隨雙屐緣詩尋香火社人悟水雲
禪古洞劫餘樹飛泉雨後天老僧乍相識茶板證
他年

依雲堂

黃石堆牆白板門溪迴路轉水成村
三年不少新圖畫雙屐難追舊齒痕
飛翠入簾山黛影落英滿地楚騷魂
望雲我正悲風樹牘有傷心淚暗吞

浮石

論交畧不礙粗疏沙漬苔皴瘦欲枯
壺有九華空想象亭餘三品祇形模
吾鄉松雪齋故居有三品石後人建磊亭于上然已非舊
江湖飄泊成頑性人海浮沈感故吾
攜向齋頭作清供最宜淺水種菖蒲

山行卽事

杭稻登場農力嬌鄰翁相約話溪橋
蓬頭忙煞小兒女補種籬根蠶豆苗

奄寥誰家慰夜泉紅泥壓擔一肩肩
疚余浪跡年來甚未去山頭問墓田

依舊草堂遺稿

入

水中梅影用家葛坡翁韻

幾度探梅信溪邊放獨遲冰花寒自解
玉笛怨誰吹賦寫凌波後妝疑對鏡時
春魂知不定浮動一枝枝

湯雨生

貽汾

畫梅便面寫茶花一枝爲高小

蛇學沅題

冰雪精神畫裏看故侯消息定平安
論交一笑梅花外冷淡何人計歲寒

過峽山蔣氏依雲堂

暖放嵐光小雪天
看山重結水雲緣
鳴邊有夢分明記
蓬轉匆匆二十年

承歡卜此好園林
負米徒增游子吟
亦有茅堂傍山麓
望雲何處著歸心

瓶中梅影

供花如對客
坐不畏春寒
轉側攜鐙就橫斜
借壁看淡交
嫌有跡清韻更無端
試閱春風譜應憐著筆難

題畫

依舊草堂遺稿

九

小李風流世已無
偶拈金粉畫西湖
湖光潏灩山痕淡
似似將軍水墨圖

客窗雨夜寄子復

頻年作客感羈留
不信詩奚嬾唱酬
繞屋雲山空入夢
打窗風雨不宜秋
已遲識面償前約
君與劍秋小米
神交有年今始識面
肯少留題負此游
料得吟邊簾怕卷
紛紛黃葉滿溪樓

雪卿小影

疎香點點動春愁
吟向東風韻欲流
翠羽一聲斜月墮
好教清夢度羅浮

闕題

坐領殘年獨客情
夜深人靜太淒清
爐香未盡煙猶裊
牕紙新糊雪有聲
五十光陰初歷劫
百年圖畫賸題名
論交一笑梅花外
冷淡何人更結盟

曉起

曉起拓疎牖
寒深欺客衣
雪遲梅蕊瘦
霜重瓦棱肥
香鼎火猶活
翠禽饑不飛
何如茅屋下
暖酒對朝暉

依舊草堂遺稿

十

朝暉

秋暑

道暑非無計
奈爲塵事阻
拋扇迎新秋
秋暑復如虎
安得逐飛夢
結廬深林鳴
庭陰綠無縫
紅日不知午
歧脚就清風
疎簾搖蓬戶
雨餘夕陽薄
山翠借媚嫵
田田采蓮歌
蕩蕩菱花艣
徒深十年心
此願何時補

駕湖采菱仕女

十五吳娃槳打遲
微波渺渺擬通辭
郎心可奈湖

心似煙雨迷離無定時

南湖湖畔多柳陰南湖湖水清且深怪底分明照
妾貌模糊偏不照郎心

九日與劍秋登臺玩月聯句

聚散緣憑好句留丹旭一回登眺一回酬雲痕閣

雨閒新霽鉞月色凝寒近暮秋千里相思勞遠夢

丹旭百年此夕快同游遙聞玉笛聲三弄鉞樹影

蒼茫何處樓丹旭

繡球桃花

依舊草堂遺稿

士

簾幙春寒晚未開臙脂含笑粉成堆瓣香欲祝毘

陵老商畧毫尖點染來

梅花仕女

珊珊瘦影淡宜春肯說梅花是後身縱有紅羅亭

畔月傳神愧煞畫中人

閨上已偕張仲甫應昌劍秋方雲泉陽湖上

未起山窗已喚鶯動人游屐傍花行天公若與東

風約十日陰纔一日晴

意中雲樹客中身修禊重逢上巳辰難得歲華剛

在丑分明一卷永和春

愛行芳徑繞平隄隄上飛花滯馬蹄屈指有人記
寒食鞋幫猶賸踏青泥

閨春春又感蹉跎廿四番風一擲梭莫負湖煙與

湖水年年畢竟浪游多

闕題

新綠園林此一時藥闌花正鬪芳姿笑他胡蝶嬌
癡甚舞老東風總不知

垂柳千條鎖畫樓紅窗一角映溪流美人怕見芙

依舊草堂遺稿

主

蓉瘦幾日湘簾不上鉤

西谷圖爲黃叔原均作

孤山千樹梅彭澤五株柳草堂寫盧鴻雲林坐迂

叟圖畫以人傳古來亦僅有山城多市隱江湖罕

其偶結廬巖穴間雲氣隔戶牖兀兀事雕蟲奇字

辨蝌蚪無如饑鷹驅豪筆吳苑走蒼茫憶舊山夢

魂役左右幸逢黃子久翰墨喜結友爲君重揮毫

得心頗應手攜觔一快睹氣韻無纖垢煙浮壓樹

頭澗落鳴溪口位置茅屋人從此閉關守亦有水

雲鄉十年慚負負倚容近卜鄰未耻居王後

題四時山水畫

郊原徧芳草馬蹏已先覺認取酒家樓杏帘青一角

扁舟盪月明花深人欲醉知狎野鷗馴往來不驚避

小車何處來幽徑一停轂紅葉滿林端夕陽眩游日

庭梅逗春雷淡月搖書幌惆悵綺衣人夜深結遙

想

依香堂遺稿

三

梅邊吹笛圖

花未蕭疎月未殘夜寒橫笛倚春寒料非舊譜江城引吹落枝頭作雪看

閒試柯亭絕妙材有人紙帳夢初回杏花陰與蘆

花艇一樣幽情領畧來

絡緯仕女

簾鐙隱約漏疎紅短短茅簷側側風知爲誰忙還自笑一般辛苦有秋蟲

闕題

曉來一雨動新涼獨展殘編坐竹房無數風枝墮殘滴紅闌干外卽瀟湘

烹雪仕女

檐雀餓不飛庭梅春暗泄詩心例近寒還索冰甌啜難餐慧解事縛帚埽玉屑纖纖凍欲僵呵向竹爐缺昔侍侯門中曾陪歌舞列銀燭搖夜長翠爵圍鑪熱帳底護銷金風勁不敢揭煙雲過不留豪華去如瞥拋帚重噓吁冷暖一堆雪

依香堂遺稿

四

十一月五日雪夜寒甚寄劍秋

雪壓窗虛布被輕夢回無那易愁生漏聲不盡自斷續鐙影欲殘時暗明客館早寒嗟歲晚薄田遲稅累秋成不知此日門前路一笑何人訪戴行

偕朱子壽瑞清湖上

報晴黃鳥一聲催有約尋春得得來翻幸春寒寒太甚梅花桃杏並時開
小艇瓜皮穩置身碧波一棹縐鱗鱗不遲鷗鷺三年約曾傍湖堤結舊鄰

題朱筱漚鈞畫芙蓉秋扇贈盧朗甫

花影離披月影寒一泓秋水暈團圓分明證取他
年兆早向芙蓉鏡裏看

秋砧圖

斷續飛來何處砧關山迢遞雁書沈可知夜色荒
寒裏有客無眠獨擁衾

幾番霜信動人思檢點征衣怨別離多謝照人好
明月團圓猶未是歸期

題劉玉坡

韻珂

汶上圖

圖中寫照六有鈞有
耕有登樓有放棹各

依舊草堂遺稿

得閒適
之致

一灣汶水繞平泉白傅林塘畫裏傳夾浦荷花香
面面當門槐蔭長年年晚晴課憶招鄰侶秋水歌
會訪釣船無奈蒼生望霖雨未容清夢到鷗邊
笠後簑前滿幅春無邊風景鏡中人月邀醉李成
三影水繪髯蘇化百身魚鳥相親忘物我煙波隨
處見經綸荒蕪媿乏凌煙筆強學添毫恐未真

壬寅秋日與存希李大同客節署所夕過從

談詩論畫頗得心印索寫秋扇因以卽景

依舊草堂遺稿

圖之并系以詩聊志雲萍之聚云

到眼風光一一催歲寒交豈獨庭梅枇杷一樹花
如雪早歷冰霜小劫來

草草圍牆短短檐夜深寒月透重簾客心同是經
年慣多少鄉愁付黑甜

題扇

追涼信有水雲窩十畝芳塘盡種荷冰簟竹床隨
意坐不知何處晚風多

秋風蕭蕭月滿船歸來沈醉夜不眠短笛一聲起

何處白鷗飛破蘆花煙

西湖紀游圖

廿年托跡明湖曲南山北山看未足山翠時來眉
宇間爲君作圖先孤山孤山林壑路平坦短籬屈
曲橋宛轉梅花數樹倚水開游人未必爲花來此
游怪君何不早領畧形勝殊草草停橈相約泛春
湖再寫雙堤萬柳圖

爲張子祥

熊作玉臺商畫圖

鴛鴦湖水水邊村繞屋藤蘿畫掩門清福全家好

依舊草堂遺稿

去

書畫風流重說趙王孫

真教翰墨結因緣雙管樓頭望若仙掃盡人間脂

粉氣果然畫本出天然

暈碧裁紅曉未乾半簾花氣颺輕寒修眉縱有玲

瓏筆畢竟春山一抹難

生綃一幅擬徐黃現北香南子細商笑我山妻隨

荷鋤只知晴雨較農桑

嬰戲圖

借力千青雲欲與鴻鵠偶一綫竟傳天兒童齊拍

依舊草堂遺稿

七

手習習楊柳風花國清明候

翠羽綴金紱樂事拋錢比顧盼有時失盤旋不知

止從知肆應才涉世亦耳耳

皎皎燕山姿聚棗讓弱歲牽裳復何爲難以珍臂

例舉首頌秋風弟兄爭折桂

微蟲亦好鬪灌穴索苔徑此雖兒戲耳往事可以

證遺經宰相傳夜枕妃子聽

寒食坐雨作山水寄方述庵

惟清

日日東風釀雨寒江頭花事半闌珊凝雲壓屋濃

於酒直把春山醉裏看

癸卯初冬劍秋約訪生沐南屏復偕潘萊香

華沈燭門照暢游次生沐韻

萍蹤無定又淹留容易流光十二秋雲淨字橫天

外雁樹疎人指畫中樓幾番雅會追吟屐十月新

寒感敝裘落葉滿堤山影瘦踏青回首記春游

行行堤柳綠垂枝霜信湖頭尚未知逃世肯辭開

士酒紀游偏讓寓公詩沈腰惜別應添瘦

燭門將還任括

蒼潘髯多吟合有絲鷗鷺怕忘他日約停橈我欲

依舊草堂遺稿

六

訂漁師

梅花仕女

日日坐春風春風淡清晝拂拭几硯淨結習頑如

舊但寫紅羅亭橫斜繞左右髻鬟墮馬妝裙褶留

仙縐幾度訊春寒苔涇鞋弓透老鶴不避人雙雙

自相守試折一枝看疎香撲襟袖歸來閉深院半

卷重簾繡應怕問梅花儂比年時瘦

海棠春睡

玉釵斜溜髻雲偏寂寂春陰倦欲眠一樣閒愁消

不得花開又到海棠天

題松光上人 了義 畫松顛開圖

兩山涼翠撲衣襟路入松篁深復深欲寫新圖紀

鴻爪十年前已負同心癸巳夏偕樊閣齋范吾山訪謙谷上人於理安擬作

圖卷

定後功夫畫裏禪宗門一錄有鐙傳零縑斷紙人

爭惜家法應推老巨然謂明中人

次劍秋韻

聯屐衝寒去亭園四面峯花留孤鶴守客喜異鄉

依舊草堂依稿

逢小敘茶初熟新題墨尚濃多情期後約同訪白

雲重約尋謙谷上人於理安寺

闕題

綠雲雙髻插芳蘭舊夢分明作畫看飛絮撲簾春

欲暮落紅滿地雨初乾沾毫不信工愁易縛帶真

憐掃恨難生恐被人知小字不教牆角折闌干

題沈綬齋 榮恩 行看子

如錦韶華感易遷秋芬香到木犀天水雲漫道渾

無定絆住浮蹤又一年

花陰低暮月團圓夢裏家山作畫看知否綠窗人
獨倚滿衣風露不勝寒

宋院本團扇獵騎圖

鐵爪霜蹄月樣弓健兒身手勁西風如何白雁橫

江岸不射鰲鱉射斷鴻

不多院本已闌殘金粉模糊認合歡此是一規南

內月照人無樣畫團圓

仕女

夜寒簾不捲芙蓉鎰火疎檣透紙紅吟到感秋詩

依舊草堂道稿

未就一聲桐葉墮西風

落紅滿地奈春何露徑香痕印韞羅正似閒愁掃

難盡曉來還較昨宵多

送孫賓花 元培 還吳

珍重年華肯遠游煙波隨意怕閒鷗歸心知有梅

花約祇作平原十日留

甲辰正月八日杏樓招同汪劍秋少洪 遺孫

探梅孤山次杏樓韻

連宵風雨侵曉窗快新霽美人各一方遙想在天

際難得舊雨情詩酒有深契每招湖上游畧不求
深詣籬門指水曲花開門不閉翠禽如相識啾啾
復裔裔商畧傳花神徘徊倚闌憩點筆紀浮蹤圖
畫已成例鄰舟蕩欲回笙簧亦清脆應道長春寒
重以青簾蔽垂堤萬柳條歸思不我繫惟願冷淡
交再向煙波締

臯亭春泛圖次杏樓韻

山光明媚水澄鮮望裏樓臺擬學仙一卷詩情寒
食路十分春色夕陽船當門柳小曾偷眼繞岸花

依舊草堂遺稿

三

低欲並肩最是武陵舊煙景東風聯袂又今年

同少洪杏樓游瑞石洞

路轉山腰境便幽避喧曾此作清游迎入虎勢蹲
奇石入耳濤聲走逆流寂寞園林空有跡經營畫
稿最宜秋吟懷欲放江天外百級層梯更上樓
筱漚屬子祥畫蓼花雙隱扇貽劍秋同人集

銅鼓山房分題拈得蓼字

浮生何處真堪寄欲避塵勞苦無地十畝之間有
隱居鴉鉏且復將花蓼柴門雖設自常關薤葉剛

枝出真意眷屬神仙信有之鹿車早共煙霞契

芍藥

截取當階豔一叢不因遲暮妒春風豐臺煙景揚
州月都在胭脂淺淡中
故園春色易蹉跎綠暗紅稀奈客何怕對一尊焚
尾酒十年朋舊別離多

陸放翁詩意圖

烏篷小艤記湖濱團扇風流已化塵賸有堰南好
明月照來梅影認全身

依舊草堂遺稿

三

詞仙蹤跡亦千秋寂寞姜家水磨頭寒食馬塍花
下路何人更築寓公樓

臘月之望生沐集同人夜飲潔華堂以招呼

明月入芳樽分韻得樽字

別緒無端攪客魂匆匆小聚話黃昏月明窗紙籠
寒色水放瓶花解凍痕旅雁心情聊自計磨牛蹤
跡笑誰謂今宵酒醒歸何處拚醉何妨更一樽

闕題

已墮風塵累玉姿性成豪俠太愁癡題紅滿幅誇